



17. June 2011

Inatsisartut suleriaasianni § 37, stk. 1 tunngavigalugu matumuuna imaattumik apeqquteqarniarpegut.

Naalackersuisunut apeqqutit:

Inersimasunik ilinniartitsineq pillugu Namminersornerullutik Oqartussat nalunaarutaanni nr. 25-mi 27. december 2000-imeersumi § 2-mi qassinik ukioqalersimanissamik piumasaqaammit immikkut pineqar-nissamik ukiut kingulliit tallimat ingerlaneranni qassit qinnuteqarsimappat?

Inersimasunik ilinniartitsineq pillugu Namminersornerullutik Oqartussat nalunaarutaanni nr. 25-mi 27. december 2000-imeersumi § 2-mi qassinik ukioqalersimanissamik piumasaqaammit ukiuni kingullerni tallimani immikkut qinnuteqartunit qassit immikkut akuerineqarpat?

Allakkamini akissummini 5. oktober 2010-meersumi (EM 2010/60) Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisup taavaa 2009-mi inuussutissarsiutinik ilinniagaqaru-mallutik qinnuteqartut 78 %-ii 17-iniit 25-nut ukioqartut. Qinnuteqartut ukioqatigiikkuutaanut qanoq aggu-arsimappat? Qinnuteqartunit qassit 17 inorlugit aammalu qassit 25 qaangerlugit ukioqarpat qinnuteqartu-nullu sanilliullutik qanoq imerlassuseqarpat? Ajornanngippat ukioqatigiiaanut immikkoortiterlugit.

Allakkani akissutaasuni 5. oktober 2010-meersuni (EM 2010/60) Naalackersuisup inersimasunik ilinniartitsi-nermi ukiussarititaasut appartinneqarnissaannut tunngatillugu oqaaseqaataa sinnassaataaginnarsimaner-pa? Matumani Danmarkimi misilittakkat ilaatigut eqqarsaatigaagut, tassami Danmarkimi inersimasutut lærlinginngorsinnaassagaanni 25-nik ukioqalersimasariaqarmat?

Sunarpiarmitaava Naalackersuisut ilimagaat, inersimasutut ilinniartunngorsinnaassagaanni ukiut 30-niit 26-nut appartinneqarneratigut inuusuttut amerlanerusut inersimasutut ilinniarnerminnik aallartitsisarnerat inuiaqatigiinnut akisunerulerumaartoq?

(Inatsisartuni ilaasortat Siverth K.Heilmamm aamma Knud Kristiansen, Atassut)

Tunngavilersuut:

Atassut isumaqartuarpoq inuussutissarsiutinik ilinniartitsinermi inersimasunik ilinniarnissamut ukiussariti-taasut appartinneqarnerat ajunngitsumik kinguneqassasoq. Tassami Kalaallit Nunaanni inuusuttut ineri-aartarput, tassami amlerlasuut ukiukillutik ilaqutaqalersarput namminerisaminnillu initaartarlutik. Taamaa-lillutik inuusuttut piaartumik pilersuisussaalersarput, tamannalu lærlingit aningaasaqarniarnerannut ajor-nartorsiuernerannik nassataqartarpoq. Isumaqaangilagut Atassutip

2010-mi ukiakkut ataatsimiinnermi siunnersuutaata itigartinneqarnera tunngavilersorluagaasoq. Taamaattumik Naalakkersuisup akissutaata itsilerneqarnissaa kissaatigaaput aammalu tamatuma tungaatigut ilisimasanik paasitinneqarnissamik piu-masaqarluta.

Inussiarnersumik Inuulluaqqusilluta

Siverth K. Heilmann aamma Knud Kristiansen

Atassut